

TABULA HONORIS

ad
Thalamum

PEREXIMI, AT QVE GLARISSIMI,

DN.

M. MICHAELIS SCHIRMERII,

Gymnasii Freibergensis ConRectoris

dignissimi,

SPONSI,

&

SPONSÆ,

VIRGINIS

LECTISSIMÆ, AC PUDICISSIMÆ

ANNÆ MAGDALENÆ,

VIRI

AMPLISSIMI, EXCELLENTISSIMI AT QVE EXPERIENTISSIMI,

DN. JOHANNIS CASPARIS HORNII,

Philosophiæ & Medicinæ Doctoris celeberrimi, Physici
Freibergensis ordinarii primarii vigilantissimi,

Practici felicissimi, &c.

Filiæ dilectissimæ,

appensa & picta

C. C. C.

Die Nuptiarum 26. Novembris.

Anno M. DC. LXI.

DRESDÆ, Typis Melchioris Bergen.



Vade bonis avibus: Sociorum concio nota
Olim acclamabat, cum Tu SCHIRMERE
parares

Rursus Lipsiacas Musas invisere. Votis
Unanimis respondit abunde eventus. Et ecce:
Vix ingressus eras celebrandæ Lipsidos urbem,
Eusebie reverenda venit, vultuq; benigno
Excipit, & sanctos conatus laudat ubiq;
Huic ego, dicebat, mysteria dia recludam
Singula, quæ paucis data sunt cognoscere noscat
Ante alios, verâ mentem pietate calentem
Ornabo variis virtutibus: ore disertio,
Robustoq; æstro convertere nescia veri
Pectora condiscat: quæ sunt contraria veræ
Doctrinæ poterit doctis convincere verbis.
Et quæcunq; petit verus pietatis amator,
Omnia, crede mihi, noster novus advena habeto.
Hoc petit, hoc urget, hoc exigit igneus ardor,
Quo toties nostros sanctos ambivit amores.

Hæc ubi dicta dedit, Sophie quoq; læta favorem
Explicat his verbis: SALVE SCHIRMERE POLITE!
SALVE NOSTER AMOR! SUBOLES SVAVISSIMA SALVE!
Exoptatus ades nobis repetendo priores
Ingenii lusus: nunc pristina munia Docti
Aggredere, & multos Musarum arcana doceto.
Scimus adhuc, altaq; manebit mente repostum,
Olim quis fueris, quanto fervore solebas

No.

Nocturna versare manu, versare diurna
Ardua scripta Sophum, meruit labor improbus
hicce

Perpetuas laudes, & nomina clara Magistri.
Collectos igitur thesauros mente fidei
Omnibus instilla, quos nunc concredere curae
Quæro Tuæ, sic nostra virebit gloria per Te,
Et honor atq; Tuum nomen laudesq; manebunt.

Vix hæc iussa dedit Sophie, SCHIRMERUS alacri
Aggreditur nisu mandato munere fungi.
Mox aderat populosa cohors, studiosa juvenus,
Atq; avidè expectant variarum dogmata rerum.
Fama loqvax hinc inde ferit, quod dexteritate
Miranda valeat mentem formare juventæ,
Pectoraq; indomitæ cicurare ferocia turbæ.

Audiit hæc Freiberga potens, Freiberga, ubi Terræ
Viscera parturiunt aurum, locuplesq; metallum
Vena vomit, Natale solum, sic ore locutum est:
Hic meus ante fuit, meus est, meus usq; manebit,
Non peregrina Sibi dona hæc indebita tellus
Sumat: at esto meus. Quare SCHIRMERE venito,
Jam commissa Tibi Patrii sit cura secunda
Gymnasii, promptum fidumq; in munere Temet
Præsta, mox aliam meditor Tibi tradere Spartam.

Vade bonis avibus: Sociorum concio nota
Rursus clamabat, patulas tangebatur aures
Hæc fama, atq; infit: Lectissima portio nostri

Cœ

ta
RE

o.
em
VE!

o.



Coetûs, depositas FUNCCI nunc arripe fasces,
Et contende simul patrii moderare Lycei
Sceptra, Tuis veniat coeptis benedictio sancta,
Nec labor in Domino factus Tibi cedat inanis.
Hisce piis nostris precibus pia Numina rursus
Perfaciles aures, atq; exoptata dederunt
Præmia, SCHIRMERI celebrantur ubiq; labores.
Larga seges Juvenum, qvi Te Ductore profectus
Egregios fecere, fatis firmare valebunt,
Qvas canimus, laudes. Ipsi Patres venerandi
Illustris Patriæ tanto de pignore gaudent,
Et laudant laudanda Tuæ molimina mentis.
Hinc nisi fallacis fallit sententia famæ,
Clarior & melior Tibi functio nempe dicata est.
Ne quoq; deficiat, quod possit pellere curas
Carnivoras, corpus lassatum reddere lætum,
Patria dat Sponsam nulli virtute secundam,
Quæ Tua fit conjux, quæ fit medicina dolori
Omni, quem pariet moles immensa laborum.

Vade bonis avibus, Socialia Sacra celebra:
Nunc iterum acclamat Sociorum concio nota,
Nos, thalamo casto, læti gratamur, ut absit
Tristis Eris; sed Eros tædas accendat, & illas
Ventilet, ut nunquam careant ardore benigno.
Sic tandem seros vestris cernatis ocellis
Natorum Natos, & qvi nascentur ab illis.



TABULA HONORIS

ad
Thalamum

PEREXIMI, AT QV

M. MICHAELI
Gymnasii Freibergo

SPON

SPON

VIRGI

LECTISSIMÆ, AC

ANNÆ MA

AMPLISSIMI, EXCELLENTISSIM

DN. JOHANNIS CA

Philosophiæ & Medicinæ Do

Freibergensis ordinarii p

Practici felici

Filiæ dilect

appensa &

C. C.

Die Nuptiarum

Anno M. D.

DRESDÆ, Typis M

